



## Lūmaoong yaa kōbg pis-yopoe la zaka, maa pis-yoob la zaka, sēn tug n zēk n yūde yaa Laa'ilaaha Illallaah» yeelgo, la sēn tug n paood n yūde, yaa fo sēn na n rik būmb sēn namsd nebā n yiis sorā

Yii a Abu Hurayrat nengē (Wēnd yard be a yīnga) a yeelame: Wēnd Tēn-tūuma (Wēnd pūusg la A tūlgr be a yīnga) yeelame: «Lūmaoong yaa kōbg pis-yopoe la zaka, maa pis-yoob la zaka, sēn tug n zēk n yūde yaa Laa'ilaaha Illallaah» yeelgo, la sēn tug n paood n yūde, yaa fo sēn na n rik būmb sēn namsd nebā n yiis sorā zugu, la ad yān-zoεegā, yē me yaa kōbg sēn be lūmaoongā pugē».

[Naşun Şahihon (Gom-sikdem sēn manege)] [B zemsa taab a zugu (A Al-Buhaariy la a Muslim n reeg-a)]

Nabiyaamā (Wēnd pūusg la A tūlgr be a yīnga) kōta kibare, tū lūmaoongā a yaa kōbg wūsgo, a gūbga tūvmā la loeese la goama. Tū lūmaoongā yel-weendū wā sēn tug n zēk n yūda, la a sēn tug n yūd ne yel-sōmde, yaa «Laa'ilaaha Illallaah» yeelgo, n mi a maanā wā, n tūm wala a sēn ratā, tū Wēnde, Yē la Soaba, n yaa Yembr tāa, sēn sōmb ne tūudum, zēng sēn ka Yēndā fāa ka sōmb ne-a. La tū sūd-kūnā tūm sēn tug n paood n yūda, yaa fo rik būmb ninga sēn namsd nebā n yi b soy wā. Rē poorē tū Nabiyaamā (Wēnd pūusg la A tūlgr be a yīnga) kō kibare, tū ad yān-zoεegā, a bee lūmaoongā yel-welds pugē, tū ad yān-zoεega yaa zugd sēn kīt t'a soaba maan tūm sōmbse la a bas tūm wēnse.

<https://sunnah.global/hadeeth/mos/show/6468>